

Polisi Iaith Gymraeg Carnifal Dinbych

Mae Carnifal Dinbych yn grŵp cymunedol â chyfansoddiad sy'n cynnwys gwirfoddolwyr a chynrychiolwyr o'r trydydd sector a sefydliadau statudol. Nod y Carnifal yw datblygu a gwella cyfranogiad y gymuned drwy annog gymaint o grwpiau cymunedol a gwirfoddol lleol ag y bo modd i gymryd rhan yn y Carnifal blyneddol. Rydym ni'n gweithio ag unigolion, grwpiau a mudiadau i gynyddu ymgysylltu â'r gymuned a chynyddu capasiti a chyfranogiad drwy ddilyn egwyddorion datblygu cymunedol. Un o'r ffyrdd rydym ni'n gwneud hyn yw hyrwyddo'r gwaith a wneir gan fudiadau cymorth.

Cyflwyniad

Rydym yn cydnabod fod Mesur y Gymraeg (Cymru) 2011 yn rhoi statws swyddogol i'r Gymraeg a ni ddylid trin y Gymraeg yn llai ffafriol na'r Saesneg.

Rydym yn credu ei bod yn arfer busnes dda i gynnig gwasanaethau yn newis iaith ein cwsmeriaid. Rydym hefyd yn credu ei fod yn dangos parch tuag at ein gweithlu i annog a hwyluso eu dewis iaith yn y gymuned.

Byddwn yn sicrhau ein bod yn gwneud cynnydd parhaol tuag at yr uchelgais hwn. Mae'r Polisi Iaith Gymraeg hwn yn datgan ein hymrwymadau presennol wrth ddefnyddio'r Gymraeg a hefyd, lle'n briodol, yn gosod targedau i ddatblygu ein defnydd o'r Gymraeg.

Dylid dehongli hyd a lled ein hymrwymadau yn y polisi hwn mewn ffordd resymol - maent yn gyfyngedig i weithgareddau a gwasanaethau yng Nghymru neu sydd wedi eu darparu i bobl sy'n byw yng Nghymru, a hefyd maent yn gyfyngedig i weithgareddau a gwasanaethau yr ydym yn medru eu rheoli neu ddylanwadu arnynt.

Cyfeiriwch unrhyw sylwadau neu gwynion am y polisi hwn at:

Catherine Jones (Cadeirydd)

Halven, Ffynnon Barcer, Dinbych, LL16 3YF

denbighcarnival@outlook.com

Delwedd gyhoeddus

Brand Corfforaethol

Mae ein brand corfforaethol yn Saesneg yn unig.

Gwefan a Gwasanaethau Digidol

Ceisiwn sicrhau, cyn belled ag y bo'n yn ymarferol bosibl, fod yr wybodaeth ar ein gwefan yn ddwyieithog. Darperir mwyafrif cynnwys ein gwefan gan bartneriaid, ac rydym yn eu hannog i ddefnyddio mwy o Gymraeg pryd bynnag y bo'n bosibl gwneud hynny.

Byddwn yn defnyddio mwy o Gymraeg yn ein gwasanaethau digidol pryd bynnag y bo'n bosibl gwneud hynny.

Hysbysebu a Marchnata

Rydym yn ymdrechu i gynhyrchu ein cyhoeddiadau print, hysbysebion a'n ffurflenni cais yn ddwyieithog.

Cyfathrebu

Olrhain Dewis Iaith

Nid ydym yn cofnodi nac yn olrhain dewis iaith ein partneriaid ar hyn o bryd.

Cyfathrebu Wyneb yn Wyneb

Rydym yn ceisio sicrhau bod aelod o'r Bartneriaeth sy'n gallu siarad Cymraeg ymhob un o'n cyfarfodydd; fodd bynnag, efallai na fydd hyn yn bosibl yn ymarferol bob tro oherwydd ymrwymadau gwaith eraill.

Cyfathrebu dros y Ffôn

Mae'r grŵp yn tueddu cyfathrebu'n bennaf drwy gyfarfodydd, felly mae ein cyfathrebu dros y ffôn yn gyfyngedig iawn. Mae ein Partneriaid yn medru adnabod a derbyn galwad yn Gymraeg gyda chwarteisi.

Gohebiaeth (Papur ac Electronig)

Ar hyn o bryd, yn gyffredinol, rydym yn ysgrifennu at bobl yn Saesneg. Cydnabyddwn ryddid ein cysylltiadau i ohebu yn Gymraeg a byddwn yn ymateb yn unol â'u dewis iaith lle bynnag y bo hynny'n ymarferol bosibl ac yn ariannol hyfyw.

Ffurflenni a Dogfennau Cyfrif

Mae ein ffurflenni yn cael eu hargraffu yn ddwyieithog yn arferol. Mae ein dogfennau cyfrif yn Saesneg yn unig. Byddwn yn parhau i ddarparu ffurflenni a dogfennau dwyieithog lle bo'n bosibl gwneud hynny.

Gwirfoddolwyr a'r Gweithle

Cofnodi a Datblygu Sgiliau Iaith ein Gwirfoddolwyr

Rydym yn cydnabod na ddylai'r Gymraeg gael ei thrin yn llai ffafriol na'r Saesneg yng Nghymru. Byddwn yn cefnogi ac yn hwyluso defnyddio'r Gymraeg a'r Saesneg yn ein pwyllgor.

Cyfathrebu Mewnol

Rydym yn cydnabod rhyddid pob aelod o'r Bartneriaeth ac aelodau'r gymuned i ddefnyddio'r Gymraeg gyda'i gilydd, yn unol â Mesur y Gymraeg (Cymru) 2011, a disgwyliwn i Bartneriaid barchu dewisiadau ieithyddol eu cydweithwyr ac aelodau'r gymuned.

Cyhoeddiadau Mewnol

Mae ein cyhoeddiadau mewnol yn Saesneg yn unig. Byddwn yn defnyddio mwy o Gymraeg yn ein cyhoeddiadau mewnol pryd bynnag y bo'n rhesymol gwneud hynny.

Arweinyddiaeth

Byddwn yn sicrhau bod y polisi hwn yn cael ei gefnogi ar y lefel uchaf o fewn ein sefydliad. Fe fyddwn yn penodi un aelod o'r pwyllgor Partneriaeth i fod yn gyfrifol am weithredu, hybu ac adolygu'r polisi hwn.

Ymwybyddiaeth

Bydd y polisi hwn ar gael yn gyfleus i'r cyhoedd ei ddarllen ar ein gwefan. Bydd pob aelod o'r pwyllgor yn derbyn copi o'r polisi hwn ac arweiniad ar ei oblygiadau.

Adolygu

Byddwn yn asesu ac yn adolygu'r polisi hwn o leiaf pob tair blynedd, neu ar gais.

Gwasanaethau wedi eu darparu ar ein rhan

Rydym yn annog pob contractwr neu drydydd parti sy'n darparu gwasanaethau ar ein rhan i gydymffurfio â'r polisi hwn.

Ymwadiad

Defnyddiwyd templed Comisiynydd y Gymraeg i lunio'r Polisi Iaith Gymraeg hwn. Serch hynny, nid yw Comisiynydd y Gymraeg yn gyfrifol am arolygu safon ein darpariaeth cyfrwng Cymraeg. Dylid cyfeirio unrhyw ymholiad am weithrediad y polisi hwn atom ni yn y cyfeiriad a nodir ar y dudalen flaen.

Mai 2015.